

**BOSNA I HERCEGOVINA
FEDERCIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
PETA POLICIJSKA UPRAVA**

Broj: 02/5-5-04-246/16

Dana: 27.01.2016. godine

OPĆINA ILIJAŠ

**OPĆINSKI NAČELNIK
- načelniku-**


**OPĆINSKO VIJEĆE
- predsjedavajućem**

PREDMET: Informacija o stanju kriminaliteta, javnog reda i mira i saobraćaja na području općine Ilijaš za 2015. godinu, dostavlja se.-

U skladu sa Programom rada Općinskog vijeća Ilijaš, u prilogu Vam dostavljamo Informaciju o stanju kriminaliteta, javnog reda i mira i saobraćaja na području općine Ilijaš za 2015. godinu, kako bi istu uvrstili u dnevni red jedne od narednih sjednica Općinskog vijeća.

S poštovanjem,

PRILOG: Informacija x 1.-



**NAČELNIK PU
Samostalni inspektor
Nusad Ajanović**

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
PETA POLICIJSKA UPRAVA
Policajska stanica Ilijaš**

INFORMACIJA

***o stanju kriminaliteta, javnog reda i mira i
sigurnosti saobraćaja na području općine Ilijaš
za 2015. godinu.***

Ilijaš, januar 2016. godine

Ovom informacijom obuhvaćeno je stanje kriminaliteta, javnog reda i mira i sigurnosti saobraćaja na području općine iz nadležnosti rada PS Ilijaš i Odjeljenja kriminalističke policije Pete policijske uprave utvrđenih zakonima i Pravilnikom o unutrašnjoj organizaciji Ministarstva unutrašnjih poslova Kantona Sarajevo.

Policijska stanica Ilijaš i Odsjek kriminalističke policije Ilijaš su u 2015. godini realizovali poslove i zadatke iz mjesečnih i godišnjih planova rada, uz dosljednu primjenu zakona, uredbi, pravilnika i ostalih podzakonskih akata.

Poseban akcent u radu dat je zakonitom, stručnom i blagovremenom izvršavanju poslova i zadataka iz djelokruga rada organa unutrašnjih poslova.

Prioriteti su dati zaštiti života, lične i imovinske sigurnosti građana, sprječavanju i rasvjetljavanju kriminogenog ponašanja pojedinaca i grupa, predupređenju i rasvjetljavanju svih oblika narušavanja javnog reda i mira, osiguranju ličnosti i manifestacija, te preduzimanju mjera na kontroli učesnika u saobraćaju i poboljšanju stanja sigurnosti saobraćaja na putevima, na području općine Ilijaš.

Posebna pažnja data je zakonitoj primjeni posebnih ovlaštenja, prije svega upotrebi sredstava sile. U toku 2015. godine nije evidentirana niti jedna upotreba sredstava sile od strane policijskih službenika PS Ilijaš.

U toku 2015. godine ukupno je podnešena 09 predstavki na policijske službenike PS Ilijaš, koje su nakon provedenog ispitnog postupka ocjenjene kao neosnovane.

Kontinuirano je ostvarena saradnja sa nadležnim općinskim i kantonalnim organima i organizacijama, javnim preduzećima, nevladinim sektorom, kao i sa sredstvima javnog informisanja. Informisanje javnosti o određenim događajima iz djelokruga rada Pete policijske uprave prvenstveno je vršen putem Odsjeka za odnose sa javnošću i web stranice Ministarstva unutrašnjih poslova Kantona Sarajevo.

Posebno dobra i intenzivna saradnja je ostvarena sa svim nivoima agencija za zaštitu zakonitosti u segmentu sigurnosti, Kantonalnim tužilaštvom Sarajevo i Općinskim sudom Sarajevo.

KRIMINALITET

Stanje kriminaliteta na području općine Ilijaš u 2014. godini, u odnosu na isti period predhodne godine, posmatrano kroz statističke pokazatelje, karakteriše smanjenje broja registrovanih krivičnih djela i to za 05 djela. Tokom 2015. godine ukupno je registrovano 188 krivičnih djela (u 2014. godini registrovana su 193 krivična djela), od čijeg ukupnog broja evidentiranih krivičnih djela policijski službenici Odsjeka kriminalističke policije Ilijaš rasvijetlili su 115 krivičnih djela, što u procentima iznosi 61,17 %.

U 2015.godini, na području općine Ilijaš izvršena su sljedeća krivična djela:

Red. broj	KRIVIČNO DJELO	2014			2015		
		broj	rasvijetljeno	procenat	broj	rasvijetljeno	procenat
1.	teška krađa	76	16	21,05%	72	27	37,5 %
2.	krađa	24	8	33,33%	29	11	37,9 %
3.	oštećenje tuđe stvari	12	7	58,33%	11	11	100 %
4.	nasilje u porodici	23	23	100 %	13	13	100 %
5.	nasilničko ponašanje	6	6	100 %	9	9	100 %
6.	šumska krađa	2	2	100 %	7	7	100 %
7.	izazivanje opće opasnosti	0	0	-	13	11	84,6 %
8.	prevara	7	7	100 %	00	00	-
9.	ugrožavanje sigurnosti	6	6	100%	5	5	100 %
10.	teška tjelesna povreda	7	6	85,71%	5	5	100 %
11.	nedozvoljeno držanje oružja	3	3	100 %	2	2	100 %
12.	razbojništvo	3	0	-	5	3	60 %
13.	paljevina	0	0	-	3	3	100 %
14.	ostalih krivičnih djela	20	19	95 %	14	8	57,1 %
	UKUPNO	193	110	56,99%	188	115	61,17%

U izvještajnom periodu nije bilo prijavljenih krivičnih djela teške krađe bakarnih vodiča električne energije sa 35 KW dalekovoda vlasništvo "Elektoprivrede" BiH, dok je u 2014. godini na lokalitetu Gornje i Donje Bioče, općina Ilijaš, evidentirano je 5 krivičnih djela teške krađe bakarnih vodiča električne energije, što je rezultat preventivnog djelovanja u smislu kontinuiranog obilaska, te preduzimanja planskih aktivnosti vezano za navedenu problematiku.

Također, bitno je napomenuti da su u izvještajnom periodu prijavljena 3 krivična djela paljevine motornih vozila, koja su rasvijetljena.

Šumske krađe

Izrazito bogati šumski resursi na području općine Ilijaš, kako crnogorični tako i bjelogorični, godinama su bili napadnuti bespravnom sječom, obradom i bespravnim prometom. Ovi bogati resursi bili su izazov i fizičkim i pravnim licima za bespravnu eksploataciju, ali i izazov pozvanim organima, među kojima i organima unutrašnjih poslova, da kroz redovne poslove i zadatke poduzimaju pojedinačne i organizovane mjere na sprječavanju bespravne sječe i prometa takvih drvnih sortimenata.

Pripadnici Pete PU, Odsjeka kriminalističke policije Ilijaš i PS Ilijaš, preduzimali su značajne planske aktivnosti na sprječavanju šumskih krađa i zaplijeni bespravno posječenog tehničkog i ogrijevnog drveta. Mjere koje je policija preduzimala u realizaciji navedene lokalne akcije pod nazivom "REZ" podrazumjevala je samostalne i zajedničke aktivnosti sa nadležnim organima, JKP "Sarajevo-šume", "Uprava za šumarstvo" Kantona Sarajevo i nadležnim kantonalnim i općinskim inspekcijama, što je rezultiralo značajnom smanjenju bespravne sječe, obrade i bespravnog prometa drvnih sortimenata. Poseban akcenat u radu PS Ilijaš i Odsjeka kriminalističke policije Ilijaš dat je na prevenciji šumskih krađa koje su dugi vremenski period prisutne na području ove općine. Pitanje šumskih krađa svakako zaslužuje posebnu pažnju nadležne policijske stanice, ali i svih subjekata koji jesu u obavezi da štite šumske resurse. Ovaj, slobodno se može reći, organizirani oblik kriminaliteta objektivno prevazilazi mogućnost PS Ilijaš. U sprječavanje i rješavanje masovnih šumskih krađa trebaju i moraju da se uključe i nadležne kantonalne i federalne agencije za provođenje zakona.

Zaključak

Iz same činjenica da u izvještajnom periodu broj krivičnih djela u 2015. godini na području općine Ilijaš manji za 05 krivičnih djela u odnosu na broj izvršenih krivičnih djela u 2014. godini, dok je procenat otkrivenosti veći za 4,18 % a imajući u vidu motive, karakter i posljedice svih ovih kriminalnih radnji, generalno se može dati pozitivna ocjena stanju kriminaliteta na području općine Ilijaš.

Dodatnim angažovanjem policije u pojedinim akcijama MUP-a Kantona Sarajevo i akcija lokalnog karaktera, značajno je sužen prostor za kriminalno djelovanje, kako pojedinaca na području općine Ilijaš, tako i organizovanih grupa i pojedinaca koji vrše krivična djela na području Kantona Sarajevo i šire.

JAVNI RED I MIR

Zbog raznih oblika narušavanja javnog reda i mira policijski službenici PS Ilijaš u 2015. godini registrovali su izvršenje 254 prekršaja. U 146 slučajeva policijski službenici su uputili upozorenje, a zbog težih oblika narušavanja javnog reda i mira u 108 slučajeva podnešene su prekršajne prijave ili izdati prekršajni nalozi protiv 149 lica.

U 2015. godini evidentirano je neznatno povećanje broja prekršaja u odnosu na 2014. godinu za 02 prekršaja.

U strukturi prekršaja protiv javnog reda i mira najbrojnije su tuče - 43, a slijede prosjačenje - 34, naročito drsko ponašanje - 16, itd. Najveći broj ovih prekršaja izvršen je na ulici - 93. Navedeni prekršaji su propisani Zakonom o prekršajima protiv javnog reda i mira Kantona Sarajevo, dok su evidentirana i 04 prekršaja (posjedovanje gasnog oružja i oružja bez odobrenja) po Zakonu o nabavljanju, držanju i nošenju oružja i municije.

Imajući u vidu da narušavanje javnog reda i mira može bitno uticati na stabilnost sigurnosne situacije, jedan od prioriteta u radu PS Ilijaš, u izvještajnoj 2015.godini, bilo je praćenje i analiziranje stanja javnog reda i mira, a s tim u vezi preduzimanje preventivnih mjera na sprječavanju i suzbijanju težih i masovnijih oblika narušavanja javnog reda i mira.

Prema počiniocima blažih oblika prekršaja protiv javnog reda i mira najčešće je primjenjivana mjera upozorenja, koja se kroz praksu potvrdila kao vrlo efikasna mjera.

Tokom 2015. godine, kao i predhodnih godina kontinuirano su sprovedene aktivnosti na sigurnom javnom prijevozu putnika u vozilima "GRAS-a i " Centrotransa", a redovno su sprovedene i aktivnosti na suzbijanju nedozvoljene trgovine na javnim površinama. Postignuti rezultati su više nego skromni, prvenstveno zbog neadekvatnih mogućnosti sankcionisanja ove vrste prekršaja.

Kretanje stanja javnog reda i mira, pored neznatnog povećanja broja registrovanih prekršaja, može se okarakterisati kao zadovoljavajuće sa trendom poboljšanja.

SIGURNOST SAOBRAĆAJA

U izvještajnom periodu stanje sigurnosti saobraćaja karakteriše povećanje ukupnog broja saobraćajnih nezgoda, broja nezgoda sa materijalnom štetom i sa nastradalim licima. Tokom 2015. godine, na području općine Ilijaš evidentirane su 372 saobraćajne nezgode, što je za 68 saobraćajnih nezgoda više nego u 2014. godini, broj lakše povrijeđenih lica veći je za 06 u odnosu na 2014. godinu. Kao jedan od uzročnika povećanja broja saobraćajnih nezgoda je i povećana frekvencija motornih vozila na regionalnim putevima R-444 i R-445, a kao drugi bitan uzročnik saobraćajnih nezgoda jeste loša saobraćajna infrastruktura.

	2014	2015
Ukupan broj saobraćajnih nezgoda	304	372
- sa nastradalim licima	31	43
- sa materijalnom štetom	273	329
Lakše povrijeđeno lica	45	51
- putnika	18	19
- vozača	21	22
- pješaka	06	09
- biciklista	00	01
Teže povrijeđenih lica	03	04
- vozača	03	03
- biciklista	00	01

U ovom izvještajnom periodu registrovano je izvršenje ukupno 3075 prekršaja iz oblasti sigurnosti saobraćaja na putevima, za koje su izdati prekršajni nalozi i podeseni zahtjevi za pokretanje prekršajnog postupka. Evidentno je da je u toku ovog izvještajnog perioda došlo do povećanja broja prekršaja za 381 prekršaj u odnosu na predhodnu godinu.

	2014	2015
<i>Broj kontrolisanih m/v</i>	7237	6764
<i>Broj lica kontrolisanih u m/v</i>	7701	6852
<i>Broj prekršaja</i>	2694	3075
<i>Broj lica</i>	2704	3081
<i>Broj zahtjeva</i>	32	42
<i>Broj prekršajnih naloga</i>	2662	3033
<i>Upravljanje m/v po dejstvom alkohola</i>	134	130
<i>Broj isključenih vozača bez položenog vozačkog ispita</i>	120	66
<i>Broj isključenih neregistrovanih m/v</i>	105	105

JAVNI SKUPOVI I POSEBNA OSIGURANJA

Tokom 2015. godine policijski službenici PS Ilijaš izvršili su osiguranje 135 javnih skupova sportske, kulturne i druge prirode, što je za 36 osiguranja manje nego za isti period 2014. godine, kojom prilikom je angažovano 390 policijskih službenika. Za vrijeme održavanja ovih javnih skupova nije dolazilo do ozbiljnijeg narušavanja javnog reda i mira.

Kontinuirano su izvršavani poslovi pratnje prevoza eksplozivnih sredstava i oružja (236 pratnji, a u 2014. godini 314 pratnji), te praćaj veoma važnih ličnosti koje se posebno obezbjeđuju i stranih delegacija, navijača u dolasku i povratku sa značajnijih sportskih događaja.

RAD POLICIJE U ZAJEDNICI I OSTALE AKTIVNOSTI

Posebno treba naglasiti trajno opredjeljenje MUP-a Kantona Sarajevo na realizaciji rada policije u zajednici. PS Ilijaš provodi čitavu lepezu aktivnosti, od sastanaka sa građanima MZ-a, obilaska domaćinstava povratnika, do predavanja u osnovnim školama, posjetama ostalim obrazovnim ustanovama, te kontaktima i saradnji sa nevladinim organizacijama. Osnovi cilj ovih aktivnosti je približavanje građana i policije, upoznavanje sa problemima, zajedničko planiranje i preduzimanje mjera za rješavanje problema iz raznih segmenata djelovanja.

Policijski službenici su se naročito zalagali za edukovanje školske djece u oblasti sigurnosti saobraćaja, opasnosti od mina i negativnog uticaja droge na mlade i okolinu. U okviru policijske stanice Ilijaš utvrđena je radna pozicija sa jednim izvršiocem koji se isključivo bavi realizacijom projekta nazvanog „Rad policije u zajednici“ čiji je osnovi cilj ostvarenje i poboljšanje saradnje sa građanima.

U skladu sa Zakonom o unutrašnjim poslovima pruža se neophodna pomoć drugim organima i organizacijama u izvršavanju njihovih redovnih poslova i zadataka kada je takva pomoć neophodna. Posebno česti zahtjevi za asistencije policije su upućeni od strane Ministarstva saobraćaja Kantona Sarajevo, Uprava za stambena pitanja Kantona Sarajevo, Dom zdravlja Ilijaš - Hitna pomoć i dr.

U skladu sa akcijom „Žetva“ prikuplja se oružje i eksplozivna sredstva koje građani pronađu ili posjeduju, a koje je zaostalo iz predhodnog rata.

Iz svega gore navedenog, neophodno je naglasiti da je u 2015. godini saradnja između PS Ilijaš i Općine Ilijaš (Načelnika općine i svih općinskih službi) bila na veoma visokom nivou. Zahvaljujući takvoj saradnji, stanje na području općine Ilijaš je po svim oblastima izuzetno dobro pa samim tim je stvorena povoljna bezbjedonosna situacija, kako na području općine Ilijaš, tako i šire na području Kantona Sarajevo, te bi bilo neophodno i u narednom periodu nastaviti sa saradnjom, kako bi se pomenuto stanje bezbjednosti zadržalo i dovelo na najveći mogući stepen.

Ilijaš, 25.01.2016. godine.